

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 263580 25 St
Tuzla, 08.04.2026. godine

Općinski sud u Tuzli, sudija Antonela Đaković, kao stečajni sudija, u postupku prethodnog ispitivanja prijedloga za pokretanje stečajnog postupka nad dužnikom Društvo za proizvodnju, promet export-import „EMAR“ d.o.o. Gračanica, Gajevi broj 6, Gračanica, donio je dana 08.04.2026. godine sljedeće

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na depozitni račun Suda, broj: 132-100-03091233-91 NLB banka dd Sarajevo, predujme iznos od 10.300,00 KM, na ime obezbjeđenja troškova stečajnog postupka nad dužnikom Društvo za proizvodnju, promet export-import „EMAR“ d.o.o. Gračanica, Gajevi broj 6, Gračanica, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 15.10.2025.godine pokrenuo prethodni postupak radi utvrđivanja uslova za otvaranje stečajnog postupka nad imovinom dužnika Društvo za proizvodnju, promet export-import „EMAR“ d.o.o. Gračanica, Gajevi broj 6, Gračanica, MBS: 1-9040, JIB: 4209029650005, a za privremenog stečajnog upravnika imenovana je Selma Helić iz Gračanice, ul. Mustafe Rešidbegović broj 16. Dana 13.01.2026.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da je djelatnost društva bila usluge računovodstva i knjigovodstva. Ovlašteno lice za zastupanje je Najfa Mehanović. Glavni račun otvoren kod ASA banci d.d. je blokiran i drugih transakcijskih računa nema, ugašeni su. Stečajni dužnik je podnio prijedlog za otvaranje stečajnog postupka dana 26.02.2025. godine na osnovu Odluke o prestanku rada društva zbog platežne nesposobnosti i zbog nemogućnosti izvršavanja dospjelih i potraživanih obaveza u dužem vremenskom periodu. Na dan otvaranja prethodnog postupka 15.10.2025. godine društvo nema zaposlenika prijavljenih u Poreznoj upravi FBIH. Ukupna knjigovodstvena vrijednost imovine na dan 31.12.2014. godine iznosi 5.068,00 KM. Obaveze dužnika, po osnovu javnih prihoda kod Porezne uprave Federacije BiH iznose 9.721,97 KM, dok se stvarni iznos obaveza se može samo ustanoviti na osnovu

prijavljenih potraživanja povjerioca u predviđenom zakonskom roku. Dužnik nije imao svoje nekretnine, a sjedište dužnika je bilo u iznajmljenim poslovnim prostorima.

Na osnovu navedenog, privremeni stečajni upravnik smatra da postoji razlog za otvaranje stečajnog postupka nad dužnikom „EMAR” doo Gračanica, predviđeni čl. 6. stav 2. i čl. 102. Zakona o stečaju. Međutim, nisu ispunjeni uslovi za otvaranje stečajnog postupka predviđeni Čl. 102 stav 7 Zakona o stečaju, odnosno stečajni dužnik ne raspolaže imovinom koja bi pokrila troškove stečajnog postupka, te samo u slučaju da zainteresovana lica predujme novčani iznos od 10.300,00 KM po specifikaciji iz troškova planiranih za stečajni postupak (u prilogu), a koji će se uključiti u obavezu stečajne mase (Čl.102. stav 10. Zakona o stečaju reguliše vraćanje predujma uplaćenog za troškove postupka licu koje ga predujmi ako bude stečajne mase), stečaj se može otvoriti.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 10.300,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.

